

Convenio entre a Consellería de Educación, Ciencia, Universidades e Formación Profesional e as empresas QATRO-ELEC-ENXEÑARÍA E SERVIZOS ELÉCTRICOS INDUSTRIAIS, S.L e ELECTRO RAYMA, SL, sobre a colaboración educativa nas ensinanzas de Formación Profesional

MEMORIA XUSTIFICATIVA

A directora xeral de Formación Profesional da Consellería de Educación, Ciencia, Universidades e Formación Profesional,

INFORMA:

Que esta Consellería de Educación, Ciencia, Universidades e Formación profesional ten previsto formalizar coas empresas QATRO-ELEC-ENXEÑARÍA E SERVIZOS ELÉCTRICOS INDUSTRIAIS, S.L e ELECTRO RAYMA, SL o instrumento convencional arriba referido cun período de vixencia de catro anos, dende a data a súa sinatura.

Que o instrumento convencional ten por obxecto:

Establecer a colaboración no campo da formación profesional entre a Consellería de Educación, Ciencia, Universidades e Formación Profesional e QATRO-ELEC-ENXEÑARÍA E SERVIZOS ELÉCTRICOS INDUSTRIAIS, S.L e ELECTRO RAYMA, SL nos seguintes ámbitos de actuación:

- a. Execución dos traballos da última fase da montaxe dunha subestación didáctica, dentro do proxecto de simulador de subestación de intemperie de Alta Tensión, desenvolto polo CIFP Universidade Laboral.
- b. Utilización didáctica do simulador de subestación de intemperie de Alta Tensión.
- c. Actualización da instalación didáctica.

Que existe converxencia de intereses entre as entidades asinantes en orde á consecución do obxecto referido.

Que o instrumento convencional que se pretende asinar se fundamenta no seguinte:



1. Que a Lei Orgánica 2/2006, do 3 de maio, de Educación, determina no artigo 39 que a Formación Profesional, no sistema educativo, ten por finalidade preparar ao alumnado para a actividade nun campo profesional e facilitar a súa adaptación ás modificacións laborais que poden producirse ao longo da súa vida, contribuír ao seu desenvolvemento persoal e ao exercicio dunha cidadanía democrática e pacífica, e permitir a súa progresión no sistema educativo, no marco da aprendizaxe ao longo da vida.
2. Que a Lei Orgánica 3/2022, do 31 de marzo, de ordenación e integración da Formación Profesional, constitúe e ordena o sistema único e integrado de Formación Profesional; no seu artigo 6 establece como un dos obxectivos do Sistema de Formación Profesional a oferta de formación actualizada e suficiente, que incorpore de maneira proactiva e áxil tanto as competencias profesionais emerxentes, como a innovación, a investigación aplicada, o emprendemento, a dixitalización, a sustentabilidade e a emerxencia climática, en tanto que factores estruturais de éxito no novo modelo económico.
3. Que o Decreto 114/2010, do 1 de xullo, polo que se establece a ordenación xeral da Formación Profesional do sistema educativo de Galicia, na súa disposición adicional segunda, indica que a consellería con competencias en materia de educación promoverá a colaboración coas empresas e entidades empresarias e, en particular, coas máis implicadas en sectores clave da economía galega e as relacionadas cos sectores emerxentes, e que dita colaboración formalizárase mediante convenio.
4. Que a Estratexia de FP Galicia 2030, aprobada no consello da Xunta do día 10 de febreiro de 2022, ten como un dos principios que a sustentan a colaboración público-privada entre as administracións e as empresas no proceso de adquisición de competencias por parte da cidadanía, na identificación das necesidades de capacitación e deseño da oferta formativa, incluíndo a modalidade dual, ou levar a cabo actuacións de difusión das ensinanzas de Formación Profesional. Neste sentido, destaca o obxectivo estratéxico 1.2 que busca impulsar a colaboración na formación entre os sectores produtivos e o ámbito educativo.
5. Que o Centro Integrado de Formación Profesional Universidade Laboral, CIFP Universidade Laboral, é un centro educativo público dependente da Consellería de Educación, Ciencia, Universidades e Formación Profesional da Xunta de Galicia, dedicado á formación profesional en todas as súas modalidades.



6. Que QATRO e ELECTRORAYMA son empresas galegas con presenza significativa no ámbito da fabricación, montaxe e mantemento de equipos e sistemas eléctricos, electricidade industrial, instrumentación e control de procesos.
7. Que o CIFP Universidade Laboral está a desenvolver un proxecto de innovación tecnolóxica e didáctica consistente na implantación dun simulador de subestación de intemperie de Alta Tensión, en terreos propiedade da Consellería de Educación, Ciencia, Universidades e Formación Profesional. Dito proxecto foi premiado na convocatoria 2023 de premios para o desenvolvemento de proxectos de innovación no ámbito da Formación Profesional en centros públicos dependentes da Consellería de Educación, Ciencia, Universidades e Formación Profesional. Para a optimización do seu aproveitamento didáctico, dito proxecto debería completarse cunha última fase de montaxe mecánica da subestación e da parte eléctrica e das proteccións electrónicas.
8. Que QATRO e ELECTRORAYMA manifestan o seu interese en colaborar co dito proxecto para facilitar e promover a formación no ámbito da alta tensión, para alumnado, docentes e persoas traballadoras do sector.
9. QATRO e ELECTRORAYMA manifestan o seu interese en desenvolver un proxecto plurianual sobre esta instalación, incorporando melloras anuais que puideran permitir, de ser o caso, optar a posibles subvencións públicas para a súa execución.
10. Que a Consellería de Educación, Ciencia, Universidades e a Formación Profesional e as empresas QATRO e ELECTRORAYMA están dispostas a colaborar no ámbito da Formación Profesional, tratando de mellorar a cualificación do alumnado e das persoas traballadoras, dando resposta ás necesidades actuais e futuras do mercado laboral e conseguindo así unha óptima inserción laboral.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do convenio que se pretende, con exclusión doutras figuras.

E para que conste, asíñase esta memoria en Santiago de Compostela, na data da sinatura dixital.

María Eugenia Pérez Fernández

Directora Xeral de Formación Profesional

